

Go swerwe kgononelo ya dieta tša ekišo tša palomoka ya R3-million

21 Disemere 2022 – Baofisiri ba Khasetomo ba Ditirelo tša Motšhelo tša Afrika Borwa (SARS) ba swere kgononelo ya dieta tša ekišo (disenikha le masantase) tša boleng bja R3-million mafelelong a beke ya go feta.

Yuniti ya Dimpša tša Didupe ya ka Khasetomo (DDU) ka posong ya mollwane wa Lebombo le Mozambique e setšhitše theraka ya materokisi a mabedi yeo e ilego ya tsena ka Afrika Borwa. DDU e hweditše diphere tše 5237 tša mehuta ya maina a go fapana tša kgononelo ya ekišo) dieta le masantase. Dilo tše di hweditšwe di laešitšwe ka morago ga leterokisi la theraka.

Dieta di ile tša fiwa Ntlophatlo ya Khasetomo ya Afrika Borwa bakeng sa dinyakišišo tša go tšwetšopele le kamano le baswarakabelo ba maleba ba maina a ditšweletšwa go dira tišetšo ya dilo tšeo.

Khomišinare wa SARS Edward Kieswetter o retile baofisiri ba Khasetomo le DDU bakeng sa go ntšha mahlo dinameng le go thibela dithoto tša ekišo tšeo di sego molaong go tsena ka mo nageng. “Tšweletšo ya semolao ya intasteri ya diaparo le dilogwa e swanetše go thekgwa gomme SARS e laeditše gape gore e raloka karolo ya yona ya go thekga katološo ya intasteri le tlholego ya mošomo.”

Mrn. Kieswetter o tlaleleditše gore SARS e ikemišeditše go fana ka tlhaloso go ditebo tša leano la yona la go thatafaletša go e obamele le go lefiša dikotlo tša godimo go motho yo mongwe le yo mongwe yo a tloago molao. “Mola re dirile gore go be bonolo go obamela, re ka se kgotlelele dimenetša le digongwana tšeo di gatakago tšwetšopele ya ekonomi ya naga ya rena le maphelo a badudi ba rena”

Go hwetša tshedimošo enngwe ikgokaganye le Sarsmedia@sars.gov.za

